



竹澗先生文集卷三

古今詩一百廿首

郊祀分獻四瀆壇二首

丙子歲

列炬薰天簇紫壇，露華星彩溢虛寒。五雲望切威嚴地，四瀆名叨奠獻官。禮樂雍容三代盛，精誠感格百神歡。遭逢未有涓埃報，擬賦甘泉寓責難。

寰區潤澤荷神功，登祀郊壇禮數崇。篛帛敬將從水色，四帛俱黑篝燈高照切雲紅。石龕幽邃香烟表，碧殿玲瓏樹影中。對越再三分獻罷，格天一德仰宸衷。

半隱王先生輓詞

以子純都御史受封

半隱先生本席珍，懶從三聘試經綸。此身已逐忘機鳥，有子還為瑞世麟。命服再膺榮畫錦，林泉終老遂

軍

天真斜陽宰木今如許  
賸有高風激後人

壽蒲菴王封君八十

子雲為嚴州守

白髮烏紗陸地仙  
逍遙心跡寄林泉  
蟠桃有待三千歲  
甲子重過二十年  
閱世方瞳超色界  
長生靈藥在丹田  
老萊膝下能兒戲  
更向黃堂啓壽筵

監都憲生祠

仗鉞收秦隴成功歸廟廊  
金湯恩不淺俎豆報何長  
古栢隆中廟甘棠召伯鄉  
封侯一時貴未許望宮牆

監都憲凱旋卷

笳鼓動歡雷  
王師出塞回  
鷹揚元帥勇鼠竄  
衆兒摧露布  
三秦曉風清  
萬里埃等閒  
尊俎地真有新衝

送監都憲陞南京刑侍

分陝勞開府  
留都詔促裝  
蘇公終式敬  
召伯孰能忘  
西峙秦山重  
東流漢水長  
更懸天下望  
調鼎在巖廊  
初遊醉翁亭  
次韓太卿庭方韻

久憶環滁勝  
登臨忽此亭  
席分溪石潤  
酒帶釀泉馨  
院靜禽時語  
松深露晝零  
古人那可作  
聊誦壁間銘  
遊琅琊寺不果次韻  
答曹少卿汝學

名山聞說好亭臺  
千里懷遊未果來  
空羨暮雲歸老衲  
竟留中路憇蒼苔  
泉迷庶子清難濯  
嶺望磨施翠不開  
寺有庶子泉磨施嶺  
明日追陪了  
心賞輸君先  
我已三回

雪曉次韻

朝來寒氣透重衣  
雪壓茅簷半掩扉  
院落光生花滿

樹池塘清絕玉為磯舟橫西澗無人渡簾捲豐山斷  
鳥飛竟日擁爐官事簡詩成高興轉佳魏

丙子冬至次韓信山韻

天地陽回又此辰履長餘慶仰一皇辰年華滾滾波  
同逝官寺寥寥山作隣凍合硯池從閣筆暖生茶竈  
任添新滌陽細酒堪消日拭眼梅花對早春

立冬日有懷京師諸友

東皇消息到江梅鼓吹郊迎曉色開五日新正渾醉  
裏百年殘夢又春來他鄉綵燕隨緣看何處雲鴻寄  
劄回料得故人多健在尋芳聯轡滿金臺

人日雪

入春二日逢人日占歲宜晴苦不晴凍雨作花還六

出終風吹冷竟三更年無薦酒渾多事蟹眼烹茶漸  
有聲訪戴未能餘興在朗吟空對夕窻明

解舍梅久不開戲述

山城春到一旬強牆角官梅尚未香索笑幾回虛杜  
老驚時今已負何郎空憐凍萼疑紅蠟安得南枝出  
靚粧商鼎有須應忌早故含元氣混羣芳

數日梅猶未開疊前韻

經冬相對意差強半月東風未放香遠信不堪傳驛  
使幽期如待探花郎日斜籬落貪春睡月冷黃昏怯  
晚粧爲爾興懷懷作惱強裁詩句荅年芳

次韻曹霜厓梅開見寄

霜葩初見隔牆枝尚及新正未是遲寒氣襲人朝夢

破暗香牽興晚吟宜情多怕弄風前笛病起思傾月  
下卮我屋一株仍冷藥却疑春色與君私

梅始開疊前韻

梅花照眼忽枝枝冠絕中園不論遲香遠自緣冰雪  
助格高偏與水雲宜臨芳合有金聲賦送酒何慚玉  
液卮湖上孤山應更好偏舟終擬遂吾私

雨中梅花盛開

雪中留滯雨中開二月相逢是晚梅橫水一枝仍韻  
在開門終日忽春來眼憐冷艷移時立心醉幽香命  
酒陪正恐陰雲妨月色不教踈影到亭臺

次日仍雨疊前韻

裹抱經春不自開曉窻風雨正愁梅香魂避濕應消

盡粉艷驚吹易落來鐵石廣平心故在湖山和靖興  
難陪陰晴等爾吾遊倦爲汝須登月下臺

次韻曹霜厓園梅爲風所苦

寄語逋翁莫漫悲風狂未損好花枝芳宜送酒何愁  
落香欲沾衣不憚吹乍點宮粧憑小試漸成鼎味待  
深知繁華擺落尤奇絕月夕來看豫作期

遊琅琊

十里琅琊氣鬱葱峯回路轉興難窮禪房駕壑臨清  
泚石磴梯雲到碧空鍾阜一卷烟靄外長江疋練渺  
茫中千年帝子留奇觀多少遊人感慨同

疊前韻答曹霜厓

華裾幾度望青葱咫尺西隣眼欲窮拄杖竟妨春雨

濕談棋誰伴草堂空青山半落閒愁裏白日都消斷  
簡中薄暮詩來天漸霽尚期歌詠一樽同

曹霜厓以詩謝茗并致佳酒次韻

春睡昏昏頰泥人叩門詩到日加辰愧無瓊玖償投  
李賴有交游託飲醇餽茗敢誇陽羨勝分醅真出釀  
泉新枯腸醉裏還堪潤月夕風晨此興均

即事

除上烟巒翠繞城悠然相對轉愁生花枝幾樹初經  
眼風雨連宵太薄情上國交游書久絕故園心事夢  
難成等閒病起春過半曳履池邊看晚晴

春風

底事春風喜叫喚乍聞南陌忽東郊重茅捲去

角古木摧殘墮鵲巢料峭不禁輕酒力飄零餘恨在  
花梢尋常多出愁吹倒多半韶光睡裏拋

即事四首

江北江南一望中便將遲早判春風江南二月桃開  
盡江北梅花正作叢

梅花狼藉杏花開粧點山窗送酒杯數日留連成底  
事不知春色暗相催

每恨逢花易別離不因雨打即風吹亦知後會明年  
事南北東西未可期

故人見夢話平生醒後依稀不自明高閣日斜消息  
斷垂楊一樹語流鶯

南郭

南郭青山映翠生  
兩年春夢落滁陽  
空慚伯固新  
恩命誤入歐公書  
醉鄉憂極江湖天  
渺渺興蘭花鳥  
雨茫茫日長人靜  
惟危坐消盡幽軒  
幾炷香

寄贈朱良矩改令丹陽

暫別仙班縮縣章  
泌陽暮月又丹陽  
恢恢餘地牛刀  
底籍籍才名豸繡  
場夜雨十年空  
夢寐暮雲千里益  
淒涼江頭香草堪  
紉佩已覺流芳自  
此長

題太僕廨舍

官寺東頭數畝宮  
兩年棲息足幃幪  
白雲戶牖羣山  
合綠木池塘曲徑  
通花木不殊吾土  
好茅茨猶有古  
人風天涯吏隱惟  
迂拙滿壁題詩不  
務工

攜酒過曹霜厓即席次韻

經旬陰雨妨乘興  
此日壺觴徑款門  
萬里風烟行處  
樂幾年離合夢中  
論閒將象局消長  
晝漫逐鶯聲過  
小園醉倒竹根應  
不惡明朝重到看  
生孫

次韻荅韓信山

短鬢逢春不稱搔  
衙回聊免簿書勞  
詩償我債千篇  
少樓羨君家百尺  
高敢謂杜陵渾漫  
興亦知王粲未  
為豪來朝作意同  
登眺柳外花邊任  
所遭

遣興

好詩莫苦吟好棋  
莫貪著苦吟徒勞  
嘔出心爛柯祇  
為貪棋錯詩以寫  
我情棋以撥我悶  
意匠心兵不自  
持斲喪真淳起爭  
論君不見三千風  
月醉一生十九  
岐路誰能明何如  
虛室坐終日一洗  
煩惱令神清孔

刪義畫不啻足超然且與吾心盟

花柳吟

飛花滿路春風香柳條弄日鵝兒黃如此風日亦可  
喜趁逐兒女如顛狂花香欲與蘭爭馥柳黃漸似栢  
枝綠爲佩爲梁自有真往往風流託空谷琅琊山椒  
一杯酒坐我深春亦何負吁嗟此意空寂寥眼底紛  
紛醉花柳

曹亞卿第賞梨花

梨花盈盈雪一樹照日不消半含露香氣氤氳百和  
餘隔牆暗逐東風度桃夭杏艷多名園春深狼藉空  
愁煩醒心忽到池塘路疑是江梅初返魂休將一枝  
看帶雨長門掩泣誰爲主莫待溶溶月滿庭素娥心

事不...快哉君家今日晴釀泉之酒花邊傾津津

齒頰有張谷夢回猶足消餘醒

次韻信山太卿重葺竹所

竹窻零落蒼苔合無復瀟湘風雨枝階下錦綉纔幾  
箇憑君長養看倚倚

次韻韓太卿春晝見寄

一官閒散共天涯忽忽春風已落花不爲綠苔憐踏  
破杖藜終日話君家

春深二首

落紅無數委東流狂盡楊花風亦休春色老來堪愛  
處綠陰門巷以清秋

喚歇鳩聲下點踈春陰漠漠日長初曉衙放罷都無



事多讀山窗幾卷書

次韻曹霜厓清明見寄

一春多夢竟難明  
流水飛花傷客情  
脩楔亭荒鷓未  
泛登樓地僻賦初成  
狂風暴雨過寒食  
野款山殺入  
夜烹珍重詩筒相慰藉  
此心惟合向君傾

與客嘗玉面狸次韻

敢誇野味少人知  
詩客曾題牛尾狸  
紅玉釘盤爭放  
筋青錢沽酒共傳卮  
攜來江北春深日  
獵得山中雪  
霽時正自思鄉緣  
爾劇未能歸去是誰為

栢子潭次霜厓韻

栢子成林俯碧潭  
天光澄徹鏡中涵  
千年勝地來遊  
晚為思  
空欲照  
漸雷雨震  
驚龍或躍江山題  
品我

猶堪一高皇注矢甘霖應長與滁人作美談

野景

野景向黃昏  
歸輿山復村  
鐘聲白雲寺  
酒旆綠楊明  
澗遠流花片  
橋危合蘚痕  
宵然迷處所  
回首憶桃源  
示兒徽

望汝成人汝勉之  
汝家門地要支持  
箕裘不廢真吾  
子學問仍須自得  
師早致青雲繩祖武  
莫將白日付  
兒嬉終身有益  
惟謙約好為書紳慎勿遺

寄程甥文德後嘉靖巳丑進士及第兒徽同登

不多年紀好文章  
珍重吾家坦腹郎  
志篤尚須開萬  
卷學成何止擅三場  
功名世濟方為孝  
冰玉人看亦有光  
別後自嗟心力倦  
猶能刮目日相望

寄從子燧綱輩

千里題詩寄阿咸喜看蘭玉在階前力行孝弟光明  
閱多讀詩書繼祖傳叔父龍鍾何足法爾曹豹變各  
爭先相攜亦有東山興留滯天涯又兩年

遊花山

花山秀滁陽不在琅琊下空谷封白雲自昔遊者寡  
東風三月時牡丹映山楮我來屬春去殘枝綠滿西  
品色驗根芟采之忽盈把殷勤愧良朋行厨勸杯罍  
一笑各盡歡顧景不能捨歸輿倚微醺落日淨原野

次韻酬仲仁兄見寄

滁陽歲暮積離憂尺素俄傳自秦州咫尺不同遊宦  
地尋常空憶讀書樓泮芹香動春初采棣萼詩成夜

發

自詠却羨故園溪上月解分清影傍邗溝秦州水名

紀夢時伯兄家食東浙仲兄分以太僕寓滁

兩年離別書仍斷三處相思夢忽通旅食不知滁秦  
遠追歡如在浙江東秋來祇負茱萸插歲晚還期鴻  
鴈同自小翱翔予最後而今四十欲成翁

攜張嘉運遊醉翁亭

雨裏登山亦自奇古亭岑寂話深卮廿年離合誰能  
料一餉陰晴未可期烏喚白雲高木落僧歸青壁暮  
鍾遲酒闌漫復聯鑣去明日秋風兩地思

九日孫主政莊登高

佳節驚心值異鄉登臨聊復過山莊茱萸共卜明年  
健菊菜猶慳此日香野外行厨溪菽嫩雲端作戲舞

衣涼樊籠潦倒圖南意撫掌西風醉欲狂

寄贈張主簿銳兼柬吉大尹師召

遙憐寶婺鸞栖久忽覩金陵鴈信來膏澤曠遺桑梓  
福轉輸仍足國家財酒醒淮浦西風冷詩到吳江落  
葉催重掃縣齋應臥治長官今有魯恭才

醉翁亭次徐駕部子正韻

滁山偶爲醉翁有終古亭臺屹不朽澗泉清淺碧玉  
流石刻盤拏老蛟走巒迴樹翳日色遲仰視卓午忽  
已酉吁嗟翁醉何時醒更上翁亭酌翁酒

晚菊

東籬細藥幾黃昏過却重陽開漸繁曉袂半沾和露  
采吟杯初泛帶香吞娛情不減陶潛興惜晚難同杜  
甫論短鬢經秋還耐否一枝簪罷手重捫

謝曹貳卿餽潤酒

門掩斜暉坐寂寥清樽分我潤泉遙不多殘菊猶堪  
賞如許閒愁合得澆薄有宦情淹此日久無封事問  
明朝銜杯好事論心地却恐高人不可招

采菊

采采踈籬滿把香曉筐攜得萬錢黃一杯淺泛仍和  
露兩鬢斜簪半著霜陰處懸來蜂轉趁風前乾去蝶  
應傷牀頭藥籠多收貯驗取仙家却老方

秋盡次韻曹貳卿見寄

一年草草又三秋古署風寒落木稠白鴈江南多日  
去黃花雨裏幾時留悲深宋玉仍羈旅夢逐莊生亦

繆悠高調忽聞隣笛起倚欄賡罷自長謳

次韻曹貳卿病愈見寄

斷送三秋一雨中林端策策夜鳴風流年不管人間  
世往事真成塞上翁病喜沈郎憐帶孔聞教杜甫憶  
叩筒東園笑語須相過未老黃花尚幾叢

聞雨

江雨生寒夜不眠初聞浙瀝轉連綿鄉心破碎踈桐  
底病思淒涼斷鴈邊風急三更城迥隔官寺僻草深  
四壁地逾偏酒醒燈暗還多事占得新詩第幾聯

次韻曹貳卿食蟹

畢卓嗜蟹興莫當酒杯時自傾鵝黃金膏玉髓良足  
貴殘甲敗戈非所傷風味十分七筋底縱橫幾許沙

洲傍城昏市遠不易覓詠爾徒和琳琅章

感事次曹霜厓韻二首

記得仙人教下棋應酬玄處在先知錯教費盡紅塵  
力猶有臨終悔著時

江干歲晚衆芳殘閉戶經旬意鮮歡留得後園含翠  
栢往來只合共君看

枕上作

窻涵殘月夜悠悠古木空山萬籟收身似虛舟橫野  
渡夢憑欹枕到丹丘天邊鷓侶違經歲江上魚書動  
一秋叨守閒官慚肉食擁衾無寐欲奚謀

次韻曹貳卿苦雪

閉門風雪卧終朝偶為詩筒引興饒便欲訪朋千里

去寧知待伴幾時消寒深玉宇愁空闊病減清樽坐  
寐寥舊隱半荒歸未得多情猶謝小山招

次韻曹貳卿長至見寄

官閒贏得作詩忙凍墨朝來又幾行江國瞻天逢至  
日酒杯娛客共年光雪隨風散回晴景冰帶泉漸落  
野塘世事悠悠時序轉細推消息意何長

送陳懷本

潤州高士說陳生遠向滁山踏雪行遊似馬遷真逸  
足交因曹植有時名同僚曹貳卿之友琅琊故事堪重醉西  
澗遺音又一鳴明日歸舟俄興盡暮雲回首大江橫

雙節為簡輔進士庶母泊姊作

蒼松產徂徠不知冰雪寒砥柱中河流障彼狂波瀾

木石何足道所貴全其天人雖萬物靈天性疇能全  
卓哉三孀節秉志何貞堅母也矢靡他之子同辛艱  
箴箴形影藁砧無時旋九死乃一生育孤紹家傳  
天道諒有定未亡未餘年我歌栢舟詩千載世教宣  
○○南莊八景為孫封君題八首

○○○白雲洞口

深洞迴塵鞅閒雲鎖石扉采芝從此入愁濕薜蘿衣

活水源頭

地脉回滄海源頭瀉碧山滔滔長此水誰解洗塵顏

曲水流觴

久羨流觴事重尋曲水湄山靈應有約歲歲好花時

高峯飛翠

不快紅塵流高峯獨杖藜恠來衫袖冷空翠落袍綈  
絕頂雙泉

山泉清可愛絕頂日淙淙一派已奇甚飛來况復雙

小橋孤月

小橋橫斷澗扶醉往來輕日暮不歸去臨流弄月明

野寺歸僧

地偏隣古寺僧過偶相逢未了無生話深林咽暮鐘

古亭留客

千載歐翁醉遺文亦壯哉幾經亭下路留讀憩階苔

贈仲仁兄次韓曹二長官韻二首

憶弟看雲勞讀杜識人今日喜逢韓高歌白雪千金

贈增重青氈十載官祖道夕鳴催別筆滁南山色擁

征遙知泮水從容地幾度賡酬興未闌

流水何如別意長送君西澗感年光偶同風雨連宵

話竟負茱萸九日香別時已近重陽未老生涯期後樂相隨

歸夢苦難忘醉翁亭子琅琊景他日聊誇此願償

雪後與客登豐山

一夕垂盡日久雪乍晴時春入郊迎早光回野望奇

御風臨絕嶠乘興引深卮四座傾肝膈環滁在睫眉

謝公方縱屐郵絮亦宜詩總是他鄉客間圍別墅棋

真游超物外此意許心知玉立千章栢冰堅百尺池

徑歆綠石磴雲冷護龍祠稍稍村烟動悠悠暝色欺

僧扁鍾罷寺鴉集日斜枝歸卧山窻月虛寒尚夢思

栢堂雨露為京口曹少卿母賦

誓將蒼栢植秋室誰料多年雨露讓心苦暗期冰雪  
會葉香高稱鳳雛翔昭回北極來一恩誥酌盡中冷  
是壽觴京口有中終古綱常還此母正須重詠栢舟  
章

### 畫紅菊

幽人風致絕塵寰偃蹇蒼筠白石間醉裏不知霜露  
冷放教春色上酡顏

### 次韻曹霜厓催梅因憶舊癖梅花

當簷無復故枝垂頗憶年時索笑竒花向隣家須發  
早春來此日未為遲是日立春詩筒往復寧多事羯鼓風  
流有所思水畔亭臺煩豫掃短筇行擬覓深卮

### 戊寅元日二首

旅食逢元日常朝憶舊班四旬三又至百歲幾曾閒  
甲子句是庚盛叨陪季孟間讀書何事業說偈厚吾顏  
不可接狂海流年見戊寅晴占雞日好春入蟻觴新  
歲月輸誰手乾坤任此身官間城市遠寮友自相親

### 畫馬

龍種何人為寫神空羣意氣絕風塵略施羈勒愁難  
馭欲辨驪黃恐失真十二天閑纔有幾三千驃牝總  
無倫躡雲追雷尋常事看取鳴鸞曲水濱

### 二月於曹霜厓第觀瓶梅次韻

綺筵何處得江梅倒浸冰壺自可猜一種風流偏我  
愛十分春色後時開樽前莫惜歌金縷笛裏仍愁點  
翠苔竟日玩香兼弄影為君沉醉未能回

拙官書另行  
原稿

誓將蒼栢植秋室誰料多年雨露瀼心苦暗期冰雪  
會葉香高稱鳳雛翔昭回北極來一恩誥酌盡中冷  
是壽觴京口有中終古綱常還此母正須重詠栢舟  
章

畫紅菊

幽人風致絕塵寰偃蹇蒼筠白石間醉裏不知霜露  
冷放教春色上酡顏

次韻曹霜厓催梅因憶舊解梅花

當簷無復故枝垂頗憶年時索笑奇花向隣家須發  
早春來此日未為遲是日立春詩筒往復寧多事羯鼓風  
流有所思水畔亭臺煩豫掃短筇行擬覓深卮

戊寅元日二首

祿食逢元日常朝憶舊班四旬三又至百歲幾曾閒  
幸際唐虞盛叨陪季孟間讀書何事業說偈厚吾顏  
拙宦依淮海流年見戊寅晴占雞日好春入蟻觴新  
歲月輸誰手乾坤任此身官間城市遠寮友自相親

畫馬

龍種何人為寫神空羣意氣絕風塵略施羈勒愁難  
馭欲辨驪黃恐失真十二天閑纔有幾三千駉牝總  
無倫躡雲追雷尋常事看取鳴鸞曲水濱

二月於曹霜厓第觀瓶梅次韻

綺筵何處得江梅倒浸冰壺自可猜一種風流偏我  
愛十分春色後時開樽前莫惜歌金縷箇裏仍愁點  
翠苔竟日玩香兼弄影為君沉醉未能回

拙宦處另行  
原稿字



龍泉寺尋梅次曹霜厓韻

古寺林深別有春  
梅邊風日喜同巡  
行經曲澗聞香遠  
興逸孤山得句新  
茶碗不煩供地主  
酒杯猶足醉花神  
明朝有約臨東閣  
未厭陰何倡和頻

何寺丞第賞梅疊前催梅韻

牆頭細藥隔年垂  
開向春深亦自奇  
桃李行卑聊爾爾  
冰霜性耐故遲遲  
花晨暫覓閒中樂  
月夕應添別後思  
笑折一枝同浸酒  
賞心分付暗香卮

絕夢絕句二首

客邸春風吹夢長  
忽忽京闕又江鄉  
浮生盡道如春夢  
却笑浮生無此忙

推枕晴窗一欠伸  
杏梢開到幾分春  
天涯歲月成離

李翻經道歡夢裏身

弔陽信馬貳守

同僚韓卿外舅

宿草驚心歲月忙  
人生不死是流芳  
頻年宦轍甘棠在一  
脉書香燕翼長  
罇酒幾人思北海  
門楣有客坦東床  
全歸况復稀年近  
蒿薶徒勞道路傷

再題醉翁亭

澗水經春長綠波  
林巒回合鳥聲多  
山從公去名逾重  
亭有時荒記不磨  
仰止極知前輩盛  
視今其柰後來何  
官閒幸際升平世  
此地尋常載酒過

夏至後苦雨四首

五月夏已至  
經旬風尚寒  
怨咨堪暑雨  
卑濕更江干  
小市慵沽酒  
閒居耻素餐  
頗聞南北路  
二麥總艱難

江雨晴難得炎風鬱不宣濕蒸藏久藥潤透讀殘編  
避漏移牀遍通明捲幔偏滁陽二年客入夏欠相便  
天漏竟何如他鄉氣候殊身常親藥餌病不貸妻孥  
郡介江淮僻城依草樹孤東華塵土夢回首渺川途  
一雨夏將徂羈懷轉鬱紆山深變寒燠霧重失朝晡  
羲御誰當挽雲師爾可誅林鳩太無賴相逐不相呼  
南墩書院爲宿州守徐良節題

精廬重構傍南墩鄉里衣冠重德門四面好山流翠  
近百年喬木向春繁曾聞藜杖干星象賸貯芸香待  
子孫今日無心雲出岫甘霖千里逐朱轡

九日對菊懷諸兄

往年九日菊未花今年九日花儘嘉霜前寒蕊色甚

好滁山不把龍山誇反局官舍白日靜對汝悠悠兩  
形影舉杯相酌還自酬花神醉未誰能省何處登高  
可披豁菜萸更向花前掇不奈秋風生客愁鴈行吹  
斷江天闊

送何守丞汝弘歸養

鄉邦文獻故通家京國過從幾歲華適意忽驚張翰  
去承恩應作老萊誇錢塘水落帆風穩天姥雲深屐  
路賒回首莫忘移孝念鶴書行促隴頭車

聞曹霜厓南旋小詩奉迓

故人分袂忽三秋報道南旋解我憂已會風雲瞻表  
却經桑梓繫蘭舟環滁山水仍相待在石園亭莫久  
留曹有石園古栢蒼苔舊公署近添雙鶴一啣啣

爲鹿  
至者

除夕

春入殘冬梅尚遲歲除今夕客纔知門前已見桃符  
換燈下猶堪酌酒持三載地偏成斷梗九重天遠獨  
傾葵生盆爆竹無心久漫逐兒嬉亦一奇

已卯元日次除夕韻

頗恠暑蘇到手遲流年輸與鬢毛知江湖寄迹舟常  
繫勲業驚心鏡自持進德敢歌淇水竹憂時空愧魯  
園葵半生漫浪詩千首如此男兒未是奇

次韻留別曹霜厓二首

幸託同官契三年一日如笑談更下榻出入每聯車  
吾道終何補公才暫可儲難逢嗟易別莫放酒杯疎

風雨驚行色銜杯意渺如一江俄擊楫趨關更膏車

麗句勞相贈空囊富所儲平生久要誼不爲別離疎

疊前韻留別毛太卿二首

名德欽前輩行藏道自如共期川作楫獨喜盍傾車

伯固書堪續梁公藥善儲公好蓄藥分攜資誨語此意未

應疎

世事故難料茲行信所如獨憐馳驛騎遙別看花車

鄙吝思常見才猷重夙儲滁陽好山色回首暮烟疎

宿遷道中大水

大水來天上平原匯百川離離波下黍汎汎樹頭船

野市迷崔鎮孤城浸宿遷流離愁此日何以禦來年

過泗亭

濟溢河奔漫泗亭官舟逆水阻脩程南風一夕開帆  
好臥聽船頭亂浪聲

庚辰歲同仲實兄謁祖墓述懷

故里同過豈偶然郊行仍及立春前  
鷓鴣原舊事追當日馬鬣遺封望紫烟  
種秫有田堪客醉聚書充棟任  
兒傳廿年南北知何補歸老深期了宿緣

謝盛希道先生枉顧

谷口高軒來故人清燈細雨一杯親  
江湖戀一闕三千里館署論文二十春  
乍見共驚忙裏鬢劇談如對  
夢中身玉華千仞南溟上尚憶攀躋迹已  
陳盛居玉華峯子

嘗言造焉

題王亞卿荆山別號卷

佳山堪任仍堪號名德巖巖復似之  
雲出曾符霖雨望林深真有棟梁姿  
平分海岱形逾勝變幻烟霞趣亦奇  
未遂攀躋常仰止丹崖留墨定何時

沛縣黃河口南徙河入沛已十年忽又徙餘

大河衝沛日湯湯十載清流眩眼青  
忽徙彭城幾月舊渠枯盡欲生桑

竹澗先生文集卷四

古今詩千百十首

元宵戴輝使第呈席間者若暨仲實兄

燈火今宵看故鄉  
柳臺梅榭競春光  
選來妙舞當筵  
久翻得新腔  
按瑟狂朋舊漫勞  
青眼待弟兄  
私喜白眉良  
有時投綬終同社  
不把離愁攪醉腸

郊行呈仲實兄次前韻

偶尋幽事過南鄉  
照眼睛梅泛曉光  
故里不殊遊子  
望中年翻憶少時狂  
垂綸未遂魚空羨  
緩轡相隨馬  
更良義重平生堪  
屢別強賡常棣遣  
回腸

白閣為王太守壽夫題

秦山白閣號奇峯  
復有高岩此託蹤  
玉骨峻嶒堪比

德重衣變化竟從龍  
窻開霄漢琴書潤  
路出松篁杖履重  
青壁丹崖非易造  
幾回西望興還濃

大僕舊解辛巳歲

兩年離此忽重來  
門巷春深次第開  
覆屋重茅新易瓦  
臨池高檻舊登臺  
笑談謾喜賓僚盛  
南北徒驚歲月催  
燕語梁間如識主  
更將飛舞送餘杯

寄贈毛鴈菴大卿

二年滁上漫追隨  
綠水青山到處詩  
罔命遠將官事簡  
歐亭頻過客情怡  
有才未許長閒散  
大拜真堪託保釐  
慨我重來公已去  
柢憑詩卷說相思

贈潘大叅伯和

憑將直道作生涯  
磨涅無端玉不瑕  
暫黜更為屬起遷  
終荷帝心嘉  
皂囊慷慨嘗焚草  
金帶輝煌忽已花  
千載風雲今日事  
高歌茅拔為君誇

漫興二首

滁上羣山紫翠環  
山中官府有無閒  
吾游倦矣情誰白  
世事忙然鬢自班  
揚柳春風村市迥  
芙蓉秋水寺門閒  
遙憐六一當年意  
野鳥山僧共往還

莫向秋風歎索離  
環滁山水古今奇  
六年留戀有翁醉  
萬事蹉跎無我癡  
霜葉細飄紅冉冉  
禾將孰綠垂垂  
明朝試候南宥  
鴻帶得書來未可知

江浦渡江

百里到江仍闌程  
是日發滁州江風初靜渡船輕  
乍穿蘆港分秋影  
波弄晚晴鍾阜日斜  
金碧炫石頭

潮上水雲平千年王氣誰能繫贏得秦淮繞帝城  
贈仲仁兄赴秦州

目斷鴛原鬢欲霜那知此會復淝陽鯉庭幼學年光  
逝萎被秋同夜漏長歸夢漫隨賓鴈杳素餐聊取婢  
魚嘗明朝驛柳仍愁折烟水吳陵正渺茫

送楊太卿介福歸武陵

翰苑論文忝後塵諫垣補衮復同寅重逢共訝憂時  
鬢一疏堅辭報主身折柳淝亭堪此日藝蘭湘浦  
有餘春武陵亦係東山望倘見漁人莫問津

酬沈侍御子公

斜日行臺古栢高公餘清興獨揮毫先聲風裁聞驄  
馬出色詞華覩鳳毛株守頻年惟我拙萍蓬此地嘆

人豪嚴裝見說朝一  
天近極目行塵首重搔

雨後寄西廳童用中花園

芳園數畝含西偏雨霽春朝散步便池水欲平新綠  
膩花枝無語靚粧妍相將鶯燕還今日有待溪山更  
後賢八載游歌雙鬢改惟應青眼尚依然

同朱侍御子宜東郊餞客

城頭曉色艷新晴十里溪橋送客行花底四筵酬勸  
好柳邊飛蓋往來輕平疇麥浪翻風綠深樹鶯簧隔  
水清歸道不勞松下喝故應驄馬避前程

病中酬朱侍御見寄頗懷東郊之興

鶯花滿地風日晴伏枕尚憶東郊行醉裏不禁狂態  
劇疴來轉覺閒愁輕經旬無聊藥裹苦何日共話茶

既清詩筒稠疊謝相慰廣和足課閒中程

嘗鱒魚次汪二卿天啓韻

兼程攜至已昏黃命酒猶堪月下嘗彭老骨多非所  
恨西施乳臆恐難方綠兼筍縷烹調美紅點樹花七  
筋香安得江頭看起網百篇咀嚼老詩狂

次韻汪東峯二卿觀竹

杖屨風流到竹園不知春色去還存繁華掃地誰爲  
主蒼翠臨池自長孫鶴唳時隨清籟發茶烟閒傍午  
陰屯偶然乘興首萍跡戀此誰能詠謝墩

次韻汪東峯詠葵

露浥園葵夏景涼綠陰深處艷紅藏足能自衛如多  
智心喜棠頰祗回陽吟筆好憑丹點鐵舞筵休羨錦

爲棠十年獻納同青瑣對此還應各斷腸

夏日同僚小集

衙罷公庭一事無官聯小集自相娛槐陰落砌午無  
暑棋局當軒日易晡地散未妨甘吏隱才疎何以副  
時須流年又看端陽近角黍蒲觴不負吾

憂旱

農人幸麥秋刈穫及未雨旣刈天轉晴暫飽終恐餒  
盼盼五月來赤地極千里哀哉無辜民爲此旱魃苦  
露禱良辛勤詎覩商羊舞昨朝風雷發淋漓夕方止  
蹄泔乍渺漫龜坼漸泥滓麻菽僅可播分秧尚無水  
三日雨不繼杭稻知已矣豐山靈滌陽與雲恒自此  
下有栢潭龍變化莫可擬冥冥果何意爲惠不終始



豈無溝洫利世遠孰經理亦有桔槔功惰農棄不舉  
人謀或未臧天平吾何顧素食愧官守對之空汗泚

贈陸侍御騰遠

陸以點馬來滁

陸海才無敵滁山蓋偶傾龍蟠雲裏一勅驄避道傍  
行襟抱三江迴冰霜六月清經邦資數馬求友願遷  
鶯弔古歐亭勝觀風范轡輕重聞西澗詠又動北轅  
情閑雨方今日爲霖待老成咨諏勞使節獻納重臺  
評愠解薰風好行經梓里榮螭坳簪筆處翹首五雲  
晴

秋雨歎三首

早來恨見秋霖遲淋漓浹月仍苦之禾焦豆萎已無  
救壞屋決梁安用爲生柴價高陳粟貴流離載道聞

莫在農家賤賣牛待舖欲給晨昏費

溪頭浩浩秋水生黑雲四幕雨未晴野蕎隨波田  
泣河鯽跋扈漁翁驚城中倉廩無餘積米舶初通過  
江客乘潮逆浪來不時到市千錢論一石

雨中甘菊橫踈籬憐汝曾遭旱魃欺孤根得潤稍蘇  
息嫩葉欲展仍離披汝時未來須汝待霜白秋清想  
風采餘功尚賴延衰年何日杖頭看蓓雷

仲仁兄陞一魯府教授過滁話別

九載黌宮道自尊曳裾今日又一王門官清幸覩東  
平樂祿薄聊供北海罇得句漫勞千里夢懷鄉空向  
此時論楚天秋盡生離思鴈影參差雨氣昏

長春樓爲休寧楊處士賦

休陽山水勝東南處士樓居倚蔚藍春占四時偏耐  
老雲耕千畝不嫌貪門楣喜有金章客樽酒堪供玉  
塵談好學郎君年更妙束書千里過江擔

壽邃庵楊閣老七十

黃閣歸來近十霜稀年方進九霞觴未應宰相山中  
久已覺神仙世外長筆底絲綸留禁署胷中兵甲在  
遐方梅花時節詩兼酒江上重開綠野堂

壽王司訓八十

魯黃門外舅

八十初分度康強見幾人瞳方仍轉碧髮短任垂銀  
半子多朝貴諸郎有席珍投來著綬久瀟洒出風塵

發南京

留卻兩月太常卿被一召俄驚又北行一念寅時

對越半生跡拙寡將迎龍江風水開帆好鳳闕星  
曳履輕獨有月明回首夜石城鍾阜總離情

揚青道中夜泊

小泊空村待月行無端風浪夜還生舟人繫纜頻相  
喚鈴卒巡更忽自驚天近神京偏浩蕩水通滄海却  
回縈陰晴未卜朝來事閒倚篷窻看啓明

天津值雨

時南畿歲荒江南多  
過糴頗仰給北粟

滿地風沙麥正苗一番甘雨忽今朝土膏頓覺三春  
足河潤誰誇九里遙南國救荒應有望幾州過糴轉  
無聊晚來喜劇還悲切兀坐船窻看長潮

赴一召將至京二首

春明一別老滁山素食空添兩鬢斑新命忽傳天

上至孤蹤猶似夢中還  
身依日月逢更化  
職忝夷夔  
愧押班便合彈冠  
向明發五雲深處覲  
龍顏  
燕山南面潞河東  
彩鷁歸來更得風  
三輔地形春日麗  
九重天色曉雲紅  
入城未覺琴書累  
趨闕行看劔佩同  
回首十年青瑣事  
不孤一明主有愚忠

贈栢林吳封君

吳豐城人以子棋為都御史受封

豐城劔氣化為龍  
霧鬣霜鱗半倚空  
老去成林終苦節  
後來作棟亦餘功  
人間歲月優游地  
天上栽培雨露中  
見說鄉閭評月旦  
古來徐孺可相同

送周太常璧安陸祭告

過雨離筵淨  
迎風使節輕  
皇華天上遣  
白雪郢中賡  
上國稱殷禮  
朝廷託老成  
歸鞭須早著  
祀事

清

寄樸菴章都憲以道

二紀同年幾故人  
天涯蹤跡苦參辰  
閒愁誤遣霜侵鬢  
渴想空疑月寫神  
再歷容臺慚忝竊  
宏開憲府仰經綸  
何時一笑重逢地  
酒盡詩篇取次陳

送王都憲載卿巡撫四川

西南問俗付中丞  
才望如公簡帝心  
秋水落時川水穩  
法星明處福星臨  
雪山增重應逾昔  
玉壘題詩又到今  
萬里何時當報政  
聯班舊誼擬重尋

予與公常同班

復清陳先生雙挽詞

先生善吟工草書長子察為御史少實為檢討

復清先生清絕倫  
讀書不走淄衣塵  
中年化去夢幻身  
詩豪草聖全其真  
夫人未亡垂八旬  
堪與孟母為

芳隣兩郎成立俱要津含笑不愧黃泉人栢府冰霜  
翰苑春麒麟瑞世何振振一皇家卹典來方頻松楸  
千載一恩光新些歌逸莫徒傷神

次韻酬謝內翰以中仍期枉顧

高齋足秋雨幽興迴難親理悟床頭易香醪甕面春  
鄉評今視昔世態假疑真何夕西城月清談共可人  
再次前韻酬謝內翰

秋風驚逆旅鄉思正相親丹泛剡溪夜觴流曲水春  
幾時尋舊約一笑道吾真大隱疑堪諉終憐紫陌人

題赤松山水圖贈雲南朱憲副子文

朱嘗著水  
川十三志

赤松山水擅吾鄉爭勝還聞有永陽我賴畫圖償夢  
想君憑文字極揄揚煙橫秋巘重重碧花點春流曲

曲香携向天涯漫相贈滇雲燕月兩茫茫

壽謝母太孺人

板輿迢遞海東仙一帝里恩光照壽筵天近重陽纔  
二日人過七袞已三年菊花泛酒黃封好錦服趨庭  
綵戲便一曲南山漫相祝可酬當日栢舟篇

送葉師道分教羅源

斯文自昔共心期豈謂先生濁後時千里馬難逢伯  
樂五車書亦負男兒漫膺一命資模範遠赴三山惜  
別離雨霽都門秋欲暮不堪携酒暫追隨

次韻李學士夢弼會同年于隆禧寺四首

遊興逐群仙秋林梵宇鮮蒲團閑獨坐莎徑偶同穿  
酒令難辭罰詩盟敢擅權分携各無語已悟上乘禪

南郭赴幽期秋風動客悲半生一夢過萬事二毛知  
交久真情見官閒野性宜菊花遲亦好簪鬢莫教辭  
僧房分半榻坐我白雲間暫脫浮生累聊娛此日閒  
露松垂砌濕霜蘚綴墻斑為謝良朋引從茲得往還  
二紀同年友相逢幾度新鬢綠憂國改道貴任吾真  
飲量開今雨遊踪避俗塵重尋曲江約屈指不多人  
送陳尚德分教東鄉

朔風吹燕雲長空暗欲雪游子忽南旋衝寒過予別  
讀書三十年借計來上國閭闔邃九重二載紅塵陌  
一朝領除書分教江右邑絳帳談舊經芹泮生春色  
平生經濟志樂育聊自得蕭蕭都門柳搖落不堪折  
渺渺宦河舟尚及凍前發去任內含情予亦江南客

東浦為汪太卿用之賦

東浦風流又到君西湖自昔遠塵氛橋通履齒尋春  
去寺報鐘聲隔水聞畫舫笙歌千頃月青山花鳥半  
窓雲題詩不盡江鄉思此樂他年肯我分

甲申冬至

一陽初動又晨鍾朝罷一楓宸日正紅閒事攪人方  
滾滾殘冬辭我太忽忽冰霜勢重陰餘幾梅柳春遙  
意已通多病年來常止酒試開涓滴待東風

朝天宮看梅呈崔蕭二光祿劉尚寶

見說尋梅高興生况逢三益挈同行蓬萊乍到軋坤  
別姑射遙臨小月清信香江南腸欲斷春回冀北眼  
偏明一尊留戀歸來晚帶得幽香兩袖盈

送陳太常庠歸雲南

秋風高興落丘園謝事欣承一帝請溫潛邸十年思  
舊學歸途三錫荷殊一恩滇池釣月逢溪友玉案尋  
春長竹孫休羨漢家疏傳去祖筵今日盛都門

送楊太僕敬之赴滁

送君今日去憶我舊時遊山夾龍泉勝潮通西澗幽  
荒亭閒載酒野渡自橫舟驥德驩黃外行看伯回收

贈南京秦司馬入為司徒

中外勲名三十年亨衢仍際中興天壯猷方叔初留  
後相國蕭何復召還帆引龍江民望繫履聽鳳闕  
聖情專樗材散地知何補南北追隨似有緣時予亦  
自南轉  
北

壽菊莊溫少參先生

以子仁和為吏  
部右侍郎加封

恩命重沾八十初此身已乞廿年餘地曹舊借籌邊  
著河省曾停泣罪車錦水一竿供晚釣菊花三徑傍  
雲鋤可應老去渾忘世雛鳳迴翔在禁廬

荆溪張處士挽詞

其子大輪為  
刑部郎中

斯文託同郡側聞長者風結屋荆溪上讀書白雲中  
至孝出天性哀感神明通折梅供靈几花發實作叢  
况復群行懿鄉閭仰遺蹤義方篤庭訓桂子奮時庸  
尚憶十載前尊酒親德容胡為一轉盼宿草迷堂封  
我歌薤露詞濺淚揮秋空

荅樸菴章都憲

時章在濟  
理漕河

叩門誰遞故人書三復欣然伏枕餘河洛禹功方有

賴東南民力竟何如時清不覺衰年及別久那堪萬  
事踈太白樓頭聞駐節暮雲千里轉愁予

○○題董千里孝思卷有序

○○昔韓文公作董生行生祥下瑞在狗乳雞哺  
間道其實也汪太史間齋脩實錄凡以馴兔  
產芝稱孝感者皆削不書獨喜蘭谿董千里  
能篤於孝為賦詩美之蓋韓公意也嗟乎董  
氏垂千年而孝子之見於歌頌者再焉豈易  
得哉特次太史氏韻以播其事云

董生純孝者天知又見雲孫起孝思誰似昌黎書瑞  
應尋常雞犬勝靈芝

督軍南嶺過草萍驛

草萍過我已三回四壁留題半雜苔霧散曉村紅

出雲歸晴岫翠屏開州連衢信雄東浙路繞岡巒接

上台一掃塵氛天萬里清風應逐使旌來

酬高吾陳院長宗禹

歲暮倚高閣山水興遐思翩翩南翔鴈尺書忽見貽

美人湖東雲為霖方濟時書傳陽春曲三歎音有遺

顧慚駑駘質長途浪追隨尚幸託宿契看鞭敢後期

丙戌元日贛州作

城東晴旭入新年水秀山明壯古虔一闕下遠來初

作鎮樓頭高坐獨籌邊光陰太向詩書欠塵俗還兼

簿領纏漫把椒觴酬令節春風從此動江天

元宵即事簡陳院長

皎月放春晴元宵坐贛城管絃傳鬧市燈火徹深更  
野曠狼烽熄鄉違鶴怨生不逢南浦客碧草遠含情  
時陳在  
南浦

次前韻

佳期積雨晴燈月爛春城獨酌同民樂長吟任僕更  
江湖一念在時序二毛生莫弄梅花笛東風易薄情

南來

南來未覺遠回首渺西江白髮生朝鏡青燈坐夜窓  
乾坤心獨苦老大氣難降何日五湖路扁舟蕩槳雙

特恩堂為陳院長賦陳湖廣  
武陵人

謝病當年疏累陳豫期勿藥一寵偏新暫歸五柳先  
生宅竟起東山宰田身江漢恩波元浩蕩武陵地望

正嶙峋高堂巨扁相輝處仰止應多善頌人

三月三日

花枝狼藉鳥綿蠻又是春風三月天蠹簡字訛時日  
校獸爐香細午初然賞心何處臨流飲歸計無端對  
雨眠章貢合流開府地滔滔終日不知年

即事

兩日東園不暇窺綠芽頓發老槐枝葵榴吐菜已初  
夏蘭蕙含蕤更此時千古往來川上歎幾人夢覺枕  
邊炊輕絺短篔方宜我且復掀髯一詠詩

贈盛程齋年兄赴南京兼簡二三同年

消息遙聞一月前眼穿行旆嶺南天相逢不盡平生  
話後會仍留何處綠世路悠悠雙短鬢晨星落落幾



同年金陵詩友重盟社莫惜連篇向我傳

次韻酬陳院長登滕王閣見寄二首

老我登高欠此樓羨公乘興及清秋尚餘文字三王

後三王謂勃緒仲舒不盡江州萬里愁極浦風來樵笛起危

城日落賈帆收却憐章貢遙相匯一路民風託共評

綠波芳草恨堪論高閣難期共一尊何處江山如此

好古來題刻至今存花隨流水春環砌鴈度寒雲夜

叫閣自是好遊心尚壯不知秋鬢點霜痕

冬夜漫興二首

一燈深坐不知寒分闌天涯歲又殘部曲夜閒刁斗

靜衙門地僻簿書寬曾聞樽俎能全勝敢謂干戈保

久安獨苦此心誰共語毋憑封事達朝端

嶺畔冬深亦乍寒江風吹雨夜闌珊不聞鴈信來千

里空愧鱗符絆一官睡少正須茶破悶病餘那用酒

為歡古槐衰柳方搖落時復蕭蕭打畫欄

讀書漫成

白晝沉簿領不暇拈詩書愛茲冬夜求一編聊卷舒

孤燈閃青焰細字迷魯魚指眼徒自苦掩卷一長吁

幼學不知要涉獵事文辭去道日以遠古人安可期

驅馳二紀來五十知昨非勤事乃吾職讀書固其餘

嘗聞仕優學糟粕非所須不如靜中悟默坐松窓虛

憫贛市火

深院夜寂寥漏下已二鼓遙聞市聲喧起視出庭戶

烟焰俄漲空乘風恣翔舞回祿殃我民倉卒愧為主

另目三一首  
不可接

下今速諸司奔走昏救護徹屋開火道綆正競相助  
移時火幸熄焦爛良已苦吾聞天降災失政由官府  
赤子却何辜啼號靡寧宇恨無併懾力為爾奠焦土  
贈陳都閫汝玉  
閱閱承三世聲名重一時一璽書凡幾賜節鎮亦頻  
移志在吾儒事功收大將旗伏波終矍鑠未老莫辭  
衰

喜雪二首

越雪由來罕清晨忽滿墀二年初快覩三白敢深期  
日午消還盡簷陰凍欲垂民飢方待哺翻恨麥秋遲  
昨雪已難得今朝仍亂零遠山頭再白久客眼偏青  
瘴退梅花嶺寒疑翡翠屏還同在京日呵凍寫真

星白另是  
一首不可接  
寫

遣興

世事竟何憑寒宵睡未能候茶聊耐火拋卷懶親燈  
興共青山遠年隨白髮增班超玉門願應有尺書騰  
陳院長城新縣有詐輒次韻

窮鄉荆棘已多平此日金湯更可憐澤及金魚春水  
活功收刀犢夏畦便谿山頓改乾坤舊風氣還看楚  
粵連容易致談疆理事吾聞定計十年前

次韻答陳院長紀行見寄

樓船西上路倭遲兩岸江風颭畫旗民俗正勞千里  
問年華休歎二毛知肇開山邑綏無賴半減田租慰  
阻飢老我提兵思按堵喜沾餘潤和新詩

程甥文德詠雪見寄次韻四首

故園今歲雪飄洒幾昏明近得詩相報遙憐興獨清  
綴梅橫凍影墮竹起虛聲五嶺應難見千山空復情  
城上北山雪曾驚雙眼明年來鄉信杳夢見旅魂清  
遍覆元含垢潛滋不動聲無勞添髮白猿鶴久馳情  
憶昔雙溪雪通宵似月明樓臨瓊島淨人在玉壺清  
渚鷺迷寒影江猿咽曉聲當時謝庭詠自足慰親情  
我屋蒼筠下窓涵積雪明映書寒亦好烹茗味偏清  
夜凍懸冰柱晴融滴雨聲宦遊逾二紀念此不勝情

贛州春日

歲事崢嶸春又來東郊鼓吹踏塵迴送寒已碎黃牛  
土隨俗聊嘗綠蟻杯萬里乾坤同化日一時城市動  
歡雷流年不爲 只待雨見梅花傍嶺開

退食

退食行臺日欲晡門扃蒼栢一塵無鳳團煮茗閒吟  
好龍掛燃香夜坐孤萬卷懶開從插架八州遙鎮自  
披圖虛縻館穀天涯晚未有涓埃却一廟謨

除夜

空堂蠟炬輝獨坐睡何遲兩歲平分夜三更欲盡時  
聲殘爆竹火香入頌花詩好辦明朝起山呼祝一聖  
慈

丁亥元日

去年此日憶龍顏天上初違侍從班浪迹至今千  
里外山呼徒自五更還乾坤開泰心同壯梅柳回春  
鬢獨斑十載微痾欣頓愈看鞭隨地敢辭艱

元宵即事

燈月交輝夜春城沸管絃  
栢臺深鎖鑰梅嶺接風烟  
不語坐三鼓回頭來二年  
太平多氣象萬里仰堯天

詠蘭四首

○○○ 蘭蕙一類而蘭特少其香特勝開謝之早晚  
遲速亦異予於贛之行臺並植之

山人遺我蘭百里到城邑  
采之千仞崖故土帶砂礫  
瓦盆及時栽風雨相潤色  
空階白日靜綠葉光疑疑  
猗蘭含紫蕤經冬凍不發  
春風幾何時碧幹爭挺拔  
一幹僅一花清香乃傾國  
貞姿頗耐久逾月未衰落  
蕙本蘭之族氣味亦相似  
一幹五七花生香春夏際  
復有閩中產葉高而稍膩  
誰書本草經誤以零陵視

古人多佩蘭貴有君子德  
况爲王者香尼父興歎息  
芳名播終古俗眼常罕識  
高齋風日和相對余心懌

夏夜四首

夜窻無暑栢陰森湘簟閒  
眠獨枕琴嶺畔不知天許  
遠還將北斗看井沉

一雨猶餘幾日涼不知三伏在  
炎方晚來風起秋偏  
早却爲蓴鱸憶故鄉

滿天風露夜將分花樹生香  
隔院聞獨坐此時無一  
語待他日出漫云云

四壁垂聲一院花銀河  
歲月西斜此時此景清於  
水不動薰風也自嘉

○○ 贈陽明王公督軍兩廣有序

○○○陽明先生大節出險大功一錫封天下想望  
其風采而其得之心無待於外者則雖士大  
夫或莫知之也先生家居數年一詔起視師  
蒼梧道贛江幸奉顏誨以慰閑別敬贈鄙句  
一封書奏險夷輕百戰功歸帶礪盟世道更爲今日  
起心傳獨得古人精稽山峻絕雲難躡贛水迢遙蓋  
偶傾早定南荒報一天子太平調燮待阿衡

○○過濟贈仲仁兄有序

予昔督軍江右比還一朝兩道濟寧予兄栢  
軒先生爲一滋陽王傳得兩會焉喜論心而  
惜分手賦此奉贈

濟上今春喜再逢蘭舟軒繫話萍蹤君顏自保丹如

渥我鬢偏憐雪漸濃鴻鴈去來俱漫浪墳篋唱和  
從容清時共擬消埃報三徑終期杖履從

濟寧逢春二首

忽忽浮生已向衰悠悠拙宦竟何裨碧山笑我紅塵  
久青鏡輪誰白髮遲治水可能尋禹迹轉漕亦復託  
蕭規夢遊不覺長安遠應被春風昨夜吹  
鼓樂迎春東郭東春風遙與故園通一時諸友誰常  
健三洞雙溪我欲窮官事敢云無了日古人堪慕有  
高風泰山咫尺須乘興會見扶桑海日紅

北山茶

春來遙憶北山茶青壁丹崖傍我家采露擷烟空夢  
寐沿河沂濟自年華求閑會了三生願知足何須七

碗加燕語鶯啼春送盡又看光景到萱花

嘗筍

濟上初參玉板禪尋常罕見轉堪憐藥欄夜茁驚雷  
早茶碗晨供帶露鮮貢到冰船知幾日賜霑金闕  
憶當年飽諳世味還何慕只有從來水竹緣

春日寫懷二首

半世浮名夢未醒他鄉春色眼猶青自從河濟收功  
後贏得餘閒點內經

衰病辭官本自宜慰留有一旨敢言私濟州官柳沿  
河綠又見春風此度吹

東園漫興

花發東園偶獨窺山禽相對語移時天涯形影青雲

伴晚節功名白髮知何處荒蕪還待老他年竹帛亦  
虛垂杖藜緩步防苔滑筋力深嗟病後衰

南司馬王公以詩留別輒次韻

浚川舊同韻

翰苑文章同舊價南都山水屬真仙相看轉覺雙瞳  
碧漸老難回兩鬢玄酒興總非方壯日花時猶是未  
歸年陽春強和憑誰寄塞鴈依稀隔暮烟

初夏即事懷友人

客舍春歸不待余薰風相款音何如綿蠻到處鶯求  
友來去無時燕卜居日色漸長堪曬藥衙門多暇慣  
抄書故人千里應相憶試向河頭覓鯉魚

壽婺源補齋先生

先生前福建憲僉澹翁之子予莫逆交也懷

玉弗售放志林壑箕裘之緒付之諸子今年  
秋既被一封命仲子薦叔尋擢福建憲副典  
文教焉予惟先生得之過庭者有以遺後其  
不得行于時者乃於薦叔兄弟發之可謂賢  
且難矣賦韻語一章為先生壽

三十年前憶盍簪郎君相見喜腰金鯉庭詩禮流風  
遠萊彩趨承受日深紫誥迴鸞榮一寵錫丹崖舞鶴  
伴閒吟秋來好飲黃花酒莫遣繁霜兩鬢侵

辛卯立春日即事

共喜新年見立春雪花呈瑞復茲辰梅梢半著交加  
重麥隴平鋪頃刻勻吟對物華川上興飲開涓滴病  
餘身二毛錯遣侵雙鬢欲謝塵緣葆我真

濟寧聞一召命寫懷

爐中藥物篋中書未足功夫歲暗徂日月人間渾少  
暇風雲天上復相須身猶抱病漸康濟年已知非強  
進趨三載白樓嘗一過樓在濟寧城上不堪臨別却踟躕  
得微子書走筆答之

兒子書來勸我歸不堪衰病尚依違謂依違兒書幸逢一  
明主真難報得謝清時會有幾六月又一頌南國筭  
三春空老北山薇欲知退食委蛇地禁柳垂城轉夕

暉時居皇  
城西墻下

竹澗先生文集卷四

七

竹澗先生文集卷四





